

Glasnik Sai Vibrionike

www.vibrionics.org

“Kad god vidite nesretnu, bolesnu ili potištenu osobu, to je polje vašeg služenja, *seva*.”

...Sri Sathy Sai Baba

Sveska 9, broj 5

septembar/oktobar 2018

U ovom broju

☞ Iz pera dr. Jit K. Aggarwala	1 - 2
☞ Profili praktičara	2 - 3
☞ Slučajevi s kombinacijama	3 - 8
☞ Kutak za odgovore	8 - 9
☞ Božanske riječi Vrhunskog Iscjelitelja	9
☞ Obavještenja	10
☞ Dodatak	10 - 14

☞ Iz pera dr. Jit K. Aggarwala ☞

Dragi praktičari,

Sretan sam što vam se mogu obratiti na Ganesh Chaturthi, izuzetno povoljan trenutak u godini. Koristim ovu priliku i da našoj jevrejskoj braći i sestrama poželim sretnu Rosh Hashanu! Toliko smo privilegovani što možemo biti dijelom ove univerzalne misije Ljubavi u kojoj se poštivaju svaka vjera i religija, u kojoj se svi praznici proslavljaju s istim uzbuđenjem, a božanske vibracije odašilju svima – prevazilazeći sve razlike koje možda postoje među nama. To je usitinu nešto jedinstveno i posebno!

Naše molitve idu dragoj braći i sestrama iz Kerale koji su pretrpjeli strašne štete usljed katastrofalnih poplava kakve nisu viđene nikad prije. Pomno smo pratili još jedan veliki uragan (Florence) koji je trebao pogoditi Južnu i Sjeveru Karolinu u SAD. Kako smo pomenuli u posljednjem broju, već smo počeli s odašiljanjem iscjeljujućih vibracija iz SAD majci Zemlji kako bismo ublažili bol i patnju kroz koje planeta prolazi. Tu inicijativu pokrenuo je **praktičar**^{11573...India} iz Indije, koji je skupa s timom iskusnih praktičara počeo svakog četvrtka odašiljati iscjeljujuće vibracije planeti. Tako je velika snaga molitve (slično odašiljanju) da sam siguran da čak i skromna molitva koja dolazi iz srca svakoga od nas ponaosob može doprinijeti beskrajno mnogo.

U Prashanti Nilayamu imamo kliniku 15 dana u mjesecu u zgradi gdje borave muški dobrovoljci, ali samo povremeno u zgradi u kojoj borave žene. Zadovoljstvo mi je prenijeti da nakon Guru Purnime, pod vodstvom **obučavateljice**^{11422...India}, dvije praktičarke obavljaju ovu *sevu* tri puta sedmično. Kako, složićete se, među dobrovoljcima postoji velika potreba za ovim vidom služenja, mi bismo voljeli da im ponudimo tu uslugu i drugim danima u sedmici. Svaki praktičar koji dolazi u *ashram* i koji je u stanju sedam dana zaredom raditi *sevu*, može nam pisati na admin@vibrionics.org kako bismo zabilježili njegovo/njezino ime. Planiramo izraditi rotacijski raspored kako bismo mogli imati kliniku svaki dan.

Želio bih čestitati **praktičaru**^{03560...USA} i njegovom timu na beskrajnoj posvećenosti i napornom radu pri osposobljavanju stranice za praktičare, koja je sada u potpunosti funkcionalna. Kako je slučaj sa svakim novim projektom, uviđamo da postoje početnički problemi/bagovi koje, uvjeravam vas, rješavamo na svakodnevnoj bazi. Kako bilo, ti su problemi sitni i ne bi vas trebali spriječiti u tome da koristite stranicu. Možete promijeniti svoje lične podatke (uključujući postavljanje slike), podnositi mjesečne *seva* izvještaje ili aplicirati za članstvo u MUPSV, koje je sada obavezno za sve one s kvalifikacijom VP ili iznad. Ako imate bilo kakvih poteškoća da se prijavite ili prijavite svoje *seva* sate, molimo vas da nam se obratite na admin@vibrionics.org za trenutačnu pomoć.

Ovoga puta ću se s vama oprostiti jednom kratkom pričom o važnosti nesebičnog služenja koju je Swami ispričao na Ganesh Chaturthi – “*Jedan dječak iz Delhija je pažljivo slušao Swamijeva učenja. Jednog dana krenuo je da polaže ispit na koledžu koji je trebao početi u 8 sati. Na putu je ugledao prosjaka koji je*

šepao i zapinjao jer je bio vrlo slab i nije mogao hodati. Pomogao mu je da ustane, odveo ga u bolnicu i pobrinuo se da ga tamo zbrinu. Kad je sve to završio, bilo je već 10 sati i dječak shvati da je zakasnio. Pomislio je, "Dobro, ovo je bio test kojeg mi je postavio Swami." Nije žalio što je propustio ispit, zapravo bio je sretan. Kad je došao Meni rekao je, "Swami, jedan ispit je propao. Neću proći ove godine, ali uvijek ima sljedeća. Ne žalim ni za čim jer sam položio Tvoj test." A Ja sam mu rekao, "Ne brini, prošao si i na svom ispitu." Sljedećeg mjeseca, izašli su rezultati. Dječak je položio s najvišom ocjenom.

On nije mario za ispit jer je napravio plemeniti čin služenja siromašnoj osobi. Pomislio je kako je pao na ispitu svijeta, ali kako je položio na Božijem ispitu. Postoje mnogi studenti poput njega koji bi stavili služenje drugima ispred sebe. Kada imate takav stav u životu, nikada nećete doživjeti neuspjeh. Šta god da radite, radite cijelim srcem. Na taj način ćete iskusiti Božansko." – **Božanski govor, Vinayaka Chaturthi, 1. septembar 2000, Prashanti Nilayam**

U služenju Saija s ljubavlju,
Jit K Aggarwal

☞ Profili praktičara ☜

Praktičarka ^{11520...India} je diplomirala kliničku psihologiju i menadžment te radi kao korporacijski konsultant.



Kako bi uspješno balansirala karijeru i porodične obaveze većinom radi od kuće. Zanimljivo je da ju je Sai vibrionika dovela u Saijevo okrilje 2012. Godine 2008. njen suprug je doživio nesreću u kojoj je polomio oba kuka što ga je učinilo gotovo bogaljem. Pokušao je sa svim vrstama dostupnih tretmana (alopatski, homeopatski, ajurvedski i drugi), ali i dalje se nije mogao kretati bez pomoći. Ona ga je počela liječiti vibricama 2011. nakon slučajnog susreta s **praktičarom**⁰²⁸⁶⁰. U roku od šest mjeseci, njen muž se kretao samostalno uz pomoć štapa. Za manje od godinu dana počeo je hodati bez štapa na ravnom. Svjedočeći njegovom čudesnom oporavku, praktičarka je bila ispunjena beskrajnom zahvalnošću Swamiju. Istog trena je donijela odluku da će Ga služiti putem vibrionike.

Postala je AVP u decembru 2012., VP u februaru 2013., i SVP u februaru 2015. Ubrzo nakon toga, suprug je zadobio frakturu nožnog zgloba. Na lijevom stopalu je došlo do oštećenja ligamenta i oticanja. On se oslonio samo na vibrioniku, tretirala a ga je supruga. Bio je izliječen za 25 dana. To je utvrdilo njezinu vjeru u Swamija i vibrioniku.

Praktičarka je od decembra 2012. uspješno tretirala 3300 pacijenata, naročito siromašne i potrebite. Tretirala je proširene vene, upalu mokraćnih kanala, upalu mišića, smrznuto rame, prijelome, bubrežni kamenac, opekotine, kožne alergije, disajne probleme, depresiju, pored obične prehlade, kašlja i temperature. Osjeća da je, kad god je intuitivno uzela bočicu ili karticu (kao da ju je Swami upućivao), izlječenje bilo brže. Dijelila je svoje uspješne slučajeve kroz vibrionički glasnik. Ažurira svoje znanje tako što redovno proučava glasnik preko web stranice.



Uživa tretirati biljke u kući sa **CC1.2 Plant tonic + CC15.1 Mental & Emotional tonic.**

Tvrđi da su sve njene biljke zelenije i zdravije od biljaka u susjedstvu, čak i kad se spoljašnja temperatura popne i do 48°C. Gornjoj kombinaciji doda **CC18.1 Brain disabilities** i zalije zemlju prije nego što

presadi postojeću biljku ili zasadi novu. Uvijek ispoljava saosjećanje prema životinjama i pticama koji povremeno posjećuju njezin vrt tako što im svaki dan ostavlja vodu. Otkad je postala AVP počela je u

zdjele s vodom stavljati **CC1.1 Animal tonic + CC15.1 Mental & Emotional tonic** i na njenu veliku radost, broj ptica i životinja koje je posjećuju se povećao (vidjeti na slici).

Praktičarka pronalazi nevjerovatno ispunjenje i neusporedivu radost prakticirajući vibrioniku kao ponizni instrument Božiji. U tom procesu njeno samopouzdanje se povećalo, a vjera u Boga produbila. Čvrsto vjeruje da ako se služenje obavlja čistog srca i s osjećanjem predanosti, izlječenje će biti brzo i čudesno. Njena usrdna molitva glasi, "Neka svaka porodica bude blagoslovljena bar s po jednim praktičarom Sai vibrionike!"

Slučajevi:

- [Zaušnjaci](#)

Praktičar 03522...Mauritius posljednjih 16 godina radi kao stručnjak u bezbjednosti zračnog saobraćaja na Mauricijusu. U Swamijevom okrilju je još od djetinjstva i redovno učestvuje u različitim seva aktivnostima Sai organizacije. Za iscjeljujući potencijal Sai vibrionike saznao je pogledavši Souljourns filmove sa dr. Jitom i Hemom Aggarwal. Beskrajno nadahnut, odmah je otišao na web stranicu, prijavio se, prošao e-obuku i radionicu, te postao AVP u martu 2015. i VP u junu 2016. godine.



Kaže da je biti praktičar sistema liječenja kojeg je blagoslovio sam Bog uistinu božanski dar. To je ispunilo njegovu dugogodišnju želju da služi potrebitima i onima u nevolji kao ponizni član Sai obitelji. Osjeća da je velika odgovornost služiti pacijentima s nesebičnom ljubavlju uz pomoć čudesne 108CC kutije. Njegova vjera u vibrioniku se produbljuje kad svjedoči potencijalu brzog djelovanja vibrioničkih lijekova, kao u slučaju muškarca (37) koji je patio od jake dijareje zbog antibiotika koje je uzimao za grlobolju. Pacijent se potpuno

oporavio u roku od 24 sata nakon što je uzeo odgovarajuću kombinaciju.

On smatra da većina pacijenata očekuje brza rješenja za svoje probleme, bez namjere da preuzmu odgovornost za svoje zdravlje. Ne pokazuju zanimanje za mijenjanje svojih nezdravih navika ili načina života za koji se ispostavlja da je temeljni uzrok njihovim oboljenjima. Stoga je veliki izazov savjetovati pacijente tako da se njihovo blagostanje osigura na svaki mogući način. Također je zadatak u njima nadahnuti povjerenje i potaknuti disciplinu kako bi lijek mogli uzimati ispravno. To je za praktičara bilo iskustvo učenja koje ga je obogatilo.

On smatra kako se naša ljubav širi kada shvatimo da ista božanskost prebiva u svakom živom biću i kada u svakom pacijentu vidimo božansko. Jezik ljubavi ima ogromno dejstvo na osjećanja pacijenta i ubrzava iscjeljenje. Dodaje **CC15.1 Mental & Emotional tonic** u lijekove jer smatra da to iznimno doprinosi procesu izlječenja.

Osim što liječi, pridružio se našem timu koji prevodi knjigu s Prve međunarodne konferencije na francuski. Smatra da ga je vibrionička seva naučila da radi iz srca i pomogla mu da napreduje na duhovnom putu. Prema njemu, "Mjera dobre prakse nije to koliko smo pacijenata uslužili, već koliko dobro smo ih uslužili".

Slučajevi:

- [Kamenac u bubregu, opadanje kose](#)

☪ Slučajevi s kombinacijama ☪

1. Zaušnjaci 11590...India

Muškarac (55) je tri dana imao otečen i bolan vrat (ispod i iza uha) i groznicu. Liječnik je dijagnosticirao zaušnjake. Uzimao je alopatske lijekove, ali je prestao jer je poboljšanje bilo minimalno.

2. aprila 2015. praktičarka mu je dala:

CC9.2 Infections acute + CC9.4 Children's diseases + CC15.1 Mental & emotional tonic...TDS

U roku od dva dana pacijent je osjećao 90% poboljšanja kod bolova i oticanja, a groznica se povukla. Nakon sedam dana, 9. aprila 2015, više nije bilo oticanja ili bola. Pacijentu je savjetovano da smanji doziranje, ali je on odlučio da prestane uzimati lijek jer je osjećao da je potpuno izliječen.

Komentar urednika: U slučaju zaušnjaka preporučujemo da uvrstite i **CC13.1 Kidney tonic**.

2. Kamenac u bubregu, opadanje kose ^{03522...Mauritius}

Mladić (27) je posjetio praktičara 27. maja 2015. U protekle dvije godine je patio od bolova u leđima koji su u zadnjih 6 mjeseci postali tako nesnosni da su mu poremetili uobičajeni način života. Pregled je pokazao bubrežni kamenac i pacijent je stavljen na listu čekanja za litotripsiju (razbijanje kamenca uz pomoć ultrazvuka). Nije uzimao ništa osim analgetika. Dvije godine je patio od problema s probavom i aciditeta. Također je u proteklih 5 mjeseci patio od opadanja kose i peruti. Brinuo je o gubitku kose jer su mrlje ćelavosti na vlasištu počele da se primjećuju. Pokušao je sa šamponom protiv peruti, ajurvedskim uljem i vitaminskim suplementima, ali bez rezultata. Dobio je:

Za kamenac u bubregu i slabu probavu, aciditet:

#1. **CC4.10 Indigestion + CC13.5 Kidney stones + CC15.1 Mental & Emotional tonic...TDS**

Za gubitak kose i perut:

#2. **CC11.2 Hair tonic + CC15.1 Mental & Emotional tonic + CC21.2 Skin infections ...TDS**

Nakon mjesec dana došlo je do 50% poboljšanja kod bolova u leđima i 80% kod kiseline i slabe probave, ali nije uočena promjena glede opadanja kose. Nakon dva mjeseca, pacijent je izvjestio 40% poboljšanja kod opadanja kose i peruti.

Nakon tri mjeseca, bolovi u leđima, kao i kiselina i slaba probava su nestali. Štaviše, na ekografskom pregledu, 30. avgusta 2015., nije uočen nikakav kamenac. Kako je pacijent potvrdio 100%-ni oporavak u ovim simptomima, doziranje #1 je smanjeno na **OD** što je nastavio uzimati mjesec dana, a zatim prestao 1. oktobra 2015. Međutim, #2 je nastavio uzimati još tri mjeseca.

Kada ga je praktičar primio 30. decembra 2015., sedam mjeseci nakon početka tretmana, nije ga mogao prepoznati jer mu je kosa bila izuzetno gusta. Perut je nestala, a opadanje skroz prestalo. Stoga je doziranje #2 smanjeno na **OD** mjesec dana, a zatim prekinuto.

3. Bol u leđima, neredovit menzes ^{11595...India}

28. februara 2018. praktičarki se obratila žena (35) koja je proteklih šest mjeseci patila od bolova u leđima. Bol se prostirala od naprijed ka nazad i do lijevog koljena uporedo s osjećajem mravinjanja koji bi se do večeri pojačao. Pacijentica je smatrala da je bol uzrokovana svakodnevnom vožnjom na motoru na dugačkim razdaljinama. Imala je historiju neredovitog menzesa otkad je počeo i uzimala alopatske lijekove kad bi kasnio. Nedavno je dobila dijagnozu upale gričica i fibroidnog tumora maternice. Završila je alopatski tretman i nije uzimala ništa drugo dok je bila na vibrionici.

Dobila je sljedeći lijek:

CC8.1 Female tonic + CC8.4 Ovaries & Uterus + CC8.8 Menses irregular + CC15.1 Mental & emotional tonic + CC20.1 SMJ tonic + CC20.5 Spine + CC20.7 Fractures...TDS u vodi

Nakon sedam dana doživjela je blagu agravaciju (vjerovatno reakciju) glede bolova u leđima. Nakon dvije sedmice izvjestila je da osjeća 80% olakšanja glede bolova i također dobila menzes na vrijeme bez oslanjanja na alopatske lijekove. Nakon tri sedmice, 20. marta 2018., bila je potpuno oslobođena bolova u leđima; stoga je doziranje smanjeno na **BD**.

Nakon još dvije sedmice, doziranje je smanjeno na **OD**.

Od avgusta 2018. nastavlja uzimati dozu za održavanje - **OD**. Nije bilo povrata simptoma bolova u leđima, a menzes već 6 mjeseci dobiva na vrijeme.

Komentar praktičarke: **CC20.7 Fractures** je dodan kako bi joj pomogao s iznenadnim grčevima koji bi se javljali za vrijeme vožnje motora skoro sat vremena svaki dan.

4. Bol između nožnih prstiju ^{11591...India}

Zadnjih šest mjeseci žena (29) je patila od bolova između palca i drugog prsta na lijevom stopalu. Svaki put kad bi vozila bicikl ili hodala čak par minuta, došlo bi do oticanja i upale, koji bi proizvodili snažnu bol. Tako da uopšte nije bila u stanju da hoda. Bol bi se smanjila samo u stanju mirovanja.

Rentgenski snimak stopala nije pokazao nikakav problem. Ona je bila pod jakim stresom jer joj je muž otišao u inostranstvo da radi a ona je morala sama da se brine o svom bolesnom ocu zbog čega se osjećala opterećenom. Nije bila na alopatskim lijekovima jer je izbjegavala analgetike; oslanjala se isključivo na vibrioniku.

2. decembra 2017. dobila je sljedeću kombinaciju:

CC20.4 Muscles & Supportive tissue...TDS u vodi ili *vibhutiju* da stavlja na zahvaćeno područje.

Nakon što je jedan dan koristila lijek, pacijentica je izvijestila 100%-no olakšanje od bolova, ali se bol vratila sljedeći dan. Stoga je zamoljena da nastavi. Nakon 19 dana je izvijestila da je bol potpuno nestala. Također je došlo do 100% poboljšanja kod upale i oticanja.

Komentar urednika: Pored vanjske primjene, da je lijek uzimala i oralno, rezultati bi vjerovatno bili brži.

+++++
5. Refraktorna epilepsija ^{11591...India}

Mladić (18) koji je patio od epileptičnih napada u protekle dvije godine 17. decembra 2017. zatražio je vibrionički tretman. Za vrijeme napada bi pao na zemlju ma u kojem položaju da se prethodno nalazio. Imao je 4-5 takvih napada dnevno, u trajanju od po nekoliko sekundi. Naknadno se nije sjećao ničega. Napadi su se mogli pojaviti bilo kada i bilo gdje. Liječnici su to dijagnosticirali kao refraktornu (otpornu na lijekove) epilepsiju te savjetovali operaciju mozga. Mladić je uzimao alopatske lijekove, ali bez značajnog poboljšanja.

Propisan mu je sljedeći lijek, a, naravno, uporedo s njim nastavio je uzimati alopatske lijekove:

CC10.1 Emergency + CC15.1 Mental & Emotional tonic + CC18.3 Epilepsy...TDS

U prva tri dana pacijent je izvijestio da osjeća ekstremnu žeđ. Do petog dana broj napada je počeo da se smanjuje. Do desetog dana, učestalost napada se spustila na jedan dnevno. Do petnaestog dana, prvi put u dvije godine napada nije bilo.

Dvadesetog dana pacijent je počeo govoriti nepovezano jer su mu bili promijenili alopatsku medikaciju. Nije mogao stajati niti sjediti i stalno je padao. Odveli su ga u bolnicu, promijenili mu alopatski lijek i otpustili ga sljedećeg dana.

Od dvadesetpetog dana nadalje, napadi su u potpunosti prestali na nekoliko mjeseci. Zatim je neko vrijeme svake dvije ili tri sedmice imao kratki napad u trajanju od nekoliko sekundi. Od kraja avgusta nastavlja uzimati i alopatski i vibro lijek i u protekla dva mjeseca nije imao niti jedan napad.

+++++
6. Nervoja ^{11271...India}

Školski učitelj (43) je preko deset godina patio od manjka samopouzdanja i nervoze. Bio je toliko nervozan da nije bio u stanju ispravno pisati na tabli što je počelo ostavljati traga na njegovom uspjehu na poslu. Počeo je gubiti samopouzdanje čak i kad je trebao potpisati registar prisustva ako bi ga neko posmatrao; njegov rukopis je počeo postajati nečitak. Doktori su to mogli dijagnosticirati samo kao neurološki problem. Pokušao je s nekoliko vrsta tretmana, ali ništa nije pomagalo. Stoga se opredijelio za vibrioniku. Dana 11. oktobra 2014 je dobio:

#1. CC18.1 Brain & Memory tonic + CC18.4 Paralysis + CC20.5 Spine...TDS

Nakon četiri sedmice počeo se osjećati malo bolje jer mu se rukopis blago popravio iako nije osjećao samopouzdanje. 8. novembra 2014. lijek je promijenjen na:

#2. CC15.2 Psychiatric disorders + CC18.4 Paralysis + CC20.5 Spine...TDS

Dva mjeseca nakon što je počeo uzimati vibrioničke lijekove, izvijestio je da osjeća 50% poboljšanja po pitanju samopouzdanja i anksioznosti. Bio je u stanju da piše bez straha da će pogriješiti. Nakon još dva mjeseca, poboljšanje se popelo na 75%, a 9. maja 2015. je izjavio da se osjeća 90% bolje. Do jula 2015. bio je potpuno oslobođen svojih mentalnih problema, te mu je savjetovano da doziranje smanji na **OD**. Međutim, on je insistirao na tome da nastavi uzimati lijek **TDS** što i dalje čini od avgusta 2018. iako se osjeća 100% bolje.

Komentar urednika: Praktičar je shvatio da uvrštavanje **CC20.5** nije bilo nužno, ali kako je kombinacija davala poboljšanje, nastavio je s njom.

+++++
7. Nesanica ^{03564...Australia}

Gospođa (69) je posjetila praktičara zbog nesаницe od koje je patila zadnjih deset godina. Obično bi oko 22 sata legla na spavanje i probudila se za manje od sat vremena. Nakon toga ne bi mogla zaspati ukoliko

ne popije tabletu za spavanje. Gospođa je dobrovoljno prestala uzimati alopatske lijekove, uvidjevši njihove nuspojave, prije nego što je 18. februara 2018. počela uzimati vibrice.

Dobila je:

#1. CC15.6 Sleep disorders... jednu globulu pola sata prije spavanja. Ako i dalje ne bi mogla zaspati, onda jednu globulu svakih 10 minuta u trajanju do sat vremena.

Nakon dva dana, osjetila je 90%-no poboljšanje jer je mogla zaspati već nakon prve globule i nije se budila za sat vremena. Međutim, trebala joj je još jedna doza tokom noći. Nakon što je uzimala kombinaciju još tri mjeseca, sve rjeđe je morala uzimati tu dozu 'u pola noći'.

Nakon još mjesec dana, u junu 2018., osjećala se potpuno izliječenom jer je sada povremeno uzimala drugu dozu pola sata kasnije. Rijetko se dešavalo da bi morala uzeti još jednu globulu usred noći, ali ako bi do toga došlo, brzo bi zaspala.

Komentar praktičara: Gospođa je bila toliko impresionirana rezultatima da je preporučila vibrioniku nekolicini svojih prijatelja i prijateljica.

8. Menstrualni bol^{11542...India}

Djevojka (16) je u protekle dvije godine patila od menstrualnih bolova. Bol je bila tako jaka da nije mogla prisustvovati nastavi sva tri dana ciklusa. U protekle dvije godine uzimala je alopatske lijekove, bez rezultata. Obratila se praktičarki prvog dana menstrualnog ciklusa u maju 2018. Dobila je:

CC8.7 Menses frequent + CC8.8 Menses irregular...TDS

Pacijentkinja je izvijestila da osjeća 100%-no olakšanje od bola u roku od samo sat vremena nakon što je uzela prvu dozu. Bila je prijatno iznenađena tako brzim olakšanjem. Nije osjećala bol sva tri dana i tako je mogla prisustvovati nastavi. Nastavila je uzimati lijek pri propisanoj dozi.

Sljedećeg mjeseca je izvijestila da je osjećala blagu bol prvog dana menzesa, ali je bol bila zanemarljiva i mogla je prisustvovati nastavi. Preostala dva dana uopšte više nije bilo bola. Stoga je doziranje smanjeno na **OD** koje pacijentkinja nastavlja uzimati od avgusta 2018. bez povrata simptoma.

9. Spondilitis^{11542...India}

Praktičaru se obratio gospodin (62) koji je patio od bolova u vratu proteklih šest mjeseci. Prema savjetu liječnika nosio je okovratnik svih tih mjeseci. Dobio je:

CC20.1 SMJ tonic + CC20.3 Arthritis + CC20.5 Spine...6TD

U roku od 24 sata je izvijestio da osjeća 25%-no olakšanje od bola, a nakon tri dana 50%. Nakon deset dana osjetio je potpuno olakšanje (100%), tako da je prestao nositi okovratnik. Također, doziranje je postepeno smanjeno na **OD**, a zatim je nakon mjesec dana prestao uzimati lijek.

10. Bol u nogama^{11542...India}

Muškarac (70), koji je u protekle tri do četiri godine patio od bolova u nogama, obratio se praktičaru u maju 2018. Dobio je:

CC10.1 Emergencies + CC12.1 Adult tonic + CC15.1 Mental & Emotional tonic + CC20.3 Arthritis + CC20.4 Muscle & Supportive tissue + CC20.5 Spine...6TD

Nakon što je uzimao lijek 24 sata, osjetio je 100%-no poboljšanje. Savjetovano mu je da nastavi uzimati lijek **QDS** mjesec dana; doziranje je postepeno smanjeno na nulu.

Komentar urednika: Praktičar je izvijestio o brojnim uspješnim slučajevima izlječenja koštanih bolova sličnih navedenom.

11. Glodar napasnik^{11573...India}

Svake godine za vrijeme monsuna (juli-septembar) porodica ovog praktičara bila je suočena s konstantnom prijetnjom od glodara te su uvijek koristili mišolovku kako bi se riješili napasnika. Međutim, ove godine je bilo drukčije. Jedan hiperaktivni pacov uzrokovao im je brojne besane noći lomeći i grickajući sve na šta bi naišao. A njegova veličina je pogoršavala stvar jer niti jedna mišolovka ili mamac nisu bili dovoljno veliki da ga zadrže. Nisu pokušavali s drugim opcijama jer nisu željeli da mu naude. U

očaju, praktičar je odlučio pokušati s vibrionikom. Dana 26. jula 2018. napravio je lijek u 150 ml vode tako što je stavio po jednu kap svake od sljedećih kombinacija:

CC10.1 Emergencies + CC15.2 Psychiatric disorders + CC17.2 Cleansing + CC17.3 Brain & Memory tonic + CC18.5 Neuralgia

Stavio je oko 1/3 vode s lijekom u brašno, napravio pet malih loptica tijesta i te noći ih strateški poredao po kuhinji. Sljedećeg jutra nije mogao pronaći ni pacova niti loptice. Noć koja je uslijedila je bila prva tiha noć nakon dugo vremena. To se nastavilo i narednih mjesec dana. Nikada više nisu vidjeli pacova niti bilo kojeg drugog glodara u kući. Zanimljivo, praktičar nije bio prisiljen praviti loptice tijesta ponovo sve do danas iako je prvobitno planirao koristiti gornju kombinaciju 3TW!

Komentar urednika:

Vrlo jednostavna alternativa otrovnim hemikalijama za kontrolu napasnika. Međutim, bili smo iznenađeni kad smo vidjeli da gornja kombinacija ne sadrži CC1.1 Animal Tonic, naročito stoga što je jedan praktičar iz Velike Britanije koristio samo taj tonik kako bi se riješio osa (vidjeti knjigu Konferencija 2014, str. 68). Prema riječima praktičara, odsustvo tonika je više bilo slučajno nego namjerno. On je to ubrzo uvidio i namjeravao je dodati kombinaciju sljedeći put, ali ta se prilika nije nikada ukazala. On je bio pod dojmom da je pacov u velikim bolovima i da zato konstantno nešto glođe. Pomislio je kako mu je potrebno nešto da smiri nerve kako bi kontrolirao hiperaktivnost, i zbog toga je napravio gornji odabir.

12. Bolovi rasta ^{11594...India}

Djevojčica (10) je proteklih pet godina patila od mišićnih bolova u rukama i nogama. Bolovi su se javljali najčešće u kasno poslijepodne i noću, otprilike tri puta sedmično, i pogoršavali se nakon sportskih aktivnosti. Otac je rekao da bi bolovi ponekad postali toliko nesnošljivi da bi probudili djevojčicu usred noći. Savjetovali su se sa brojnim liječnicima i njeno stanje je dijagnosticirano kao bolovi rasta za koje je dobila analgetike po potrebi, ali koji bi joj pružali samo privremeno olakšanje. U zadnja dva dana bol je postala nepodnošljiva. Roditelji su se silno zabrinuli kad ih je pozvala učiteljica iz škole kako bi ih obavijestila da djevojčica nije dobro i da neprestano plače. Kada je praktičar vidio djevojčicu, bila je slaba i bez apetita. Dok je bila na vibricama, djevojčica nije uzimala druge lijekove.

Dana 9. marta 2018. dobila je sljedeći lijek:

#1. CC4.1 Digestion tonic + CC12.2 Child tonic + CC15.1 Mental and Emotional tonic + CC17.3 Brain and Memory tonic + CC20.2 SMJ pain + CC20.4 Muscles and Supportive tissue...po jednu dozu svakih 10 minuta dva sata, a zatim 6TD od sljedećeg dana.

Nakon deset dana djevojčica se osjećala 90% bolje, a roditelji su insistirali da nastavi uzimati lijek 6TD. Nakon još sedam dana, 26. marta 2018., bol je u potpunosti nestala, a roditelji nisu primili nikakvu žalbu iz škole; tako je doziranje smanjeno na TDS. Nakon mjesec dana nije došlo do povrata bolova tako da je doziranje smanjeno na OD. Nakon još tri mjeseca, 1. avgusta, roditelji su odlučili da prestanu s davanjem lijeka. Djevojčica je savršeno dobro od 7. septembra 2018. Roditelji su bili toliko sretni rezultatima da djevojčicina mama sada uzima vibrioničke preparate za hronične bolove u zglobovima i lipom.

13. Kronova bolest ^{11594...India}

Gospođa iz Australije (62) je proteklih sedam godina patila od Kronove bolesti. Patila je od jakih trbušnih bolova, napuhivanja želuca, smjenjivanja konstipacije i dijareje, iscrpljenosti, gubitka apetita i postepenog gubitka težine. Uradili su joj hemikolektomiju (uklanjanje jedne strane debelog crijeva) 2013., ali nije pomoglo. Liječnik joj je rekao da za Kronovu bolest ne postoji poznat lijek tako da je gospođa odlučila promijeniti način života uvodeći meditaciju, yoga vježbe i promijenivši ishranu. Uprkos svim tim naporima simptomi su ustrajali, zbog čega je gospođa izgubila svaku nadu. Kada se susrela s praktičarkom za vrijeme posjete prijateljici u Indiji, bila je na strogoj dijeti koja se sastojala od svega nekoliko kriški lubenice i jednog omleta dnevno.

Dana 10. aprila 2018. dobila je:

#1. CC4.1 Digestion tonic + CC4.4 Constipation + CC4.6 Diarrhoea + CC10.1 Emergencies + CC12.1 Adult tonic+ CC15.1 Mental and emotional tonic... po jednu dozu svakih 10 minuta dva sata, a zatim 6TD od sljedećeg dana.

Sljedećeg dana došlo je do 60% poboljšanja u simptomima, međutim nelagoda u želucu je opstala. Nakon deset dana, svi su se simptomi povukli tako da je doziranje smanjeno na TDS. Kako se gospođa uskoro trebala vratiti u Australiju, dobila je dovoljno lijeka da joj može trajati narednih šest mjeseci. Praktičar joj je

savjetovao postupak smanjivanja doziranja. Nakon mjesec dana, smanjila je doziranje na **OD**. Prilikom zadnjeg email kontakta s pacijenticom, 7. juna 2018., gospođa je bila skroz dobro bez povrata simptoma. Prilikom povratka u Australiju podijelila je s prijateljima radosnu vijest kako ju je dragocjeni lijek iz Indije izliječio od neizlječive bolesti.

☞ Kutak za odgovore ☞

1. Pitanje: Ako osoba nije u stanju zaustaviti svoje negativne misli, može li vibrionika pomoći u prevladavanju bolesti te u zaustavljanju negativnog mišljenja?

Odgovor: Da, vibro lijekovi mogu pomoći u oba slučaja – i kod bolesti i kod negativnih misli. Pacijenti s pozitivnim mislima se brže izliječe. Stoga je naš prvi korak potaknuti pacijente da misle pozitivno i da njeguju nadu. Podrazumijeva se da praktičar treba imati punu vjeru i sigurnost da će vibro lijekovi izliječiti probleme pacijenta. Kao drugo, vrlo je važno otkriti **uzrok** negativnih misli kod svakog pacijenta; to su obično potisnute emocije utemeljene u strahu, osjećaju odbačenosti, šoku, ljutnji, žalosti itd. Praktičar mora uložiti ozbiljan napor da otkrije pozadinski uzrok i dâ odgovarajući lijek koji treba izabrati iz kategorija 15, 17 ili 18. Ako se osoba vrati a tretman je imao samo minimalni učinak, praktičar se treba dalje konsultirati s pacijentom i izraditi strategiju. Bez obzira na sve rečeno, ponekad do izlječenja ne dođe. U tom slučaju praktičar ne treba izgubiti nadu ili vjeru u vibrioniku jer ponekad su na snazi sile izvan naše moći da nešto promijenimo, npr. pacijentu je možda nemoguće otpustiti potisnute emocije, usljed teške prošle karme i sl. Na kraju krajeva, Bog, koji je Iscjelitelj, zna kad treba izliječiti osobu u ovisnosti o njezinom unutarnjem putovanju. Ljudi koji istinski vjeruju u Boga to spremno prihvataju, kao dr. John Hislop koji je sretan napustio tijelo puno raka, duboko vjerujući da nije tijelo i da je putem bolesti Gospod uklanjao posljednje ostatke njegove karme.

Ponekad se bolest liječi sporo usljed fizičke slabosti koja može biti uzrokovana npr. lošom ishranom ili okolinskim faktorima; manjak uhranjenosti kod djece može značiti da odrastaju bez iscjeljujuće energije ljubavi. Kada osoba nema nade, teško je postići stanje sreće, zdravlje uma i tijela. Stoga je temeljna dužnost svakog praktičara pružiti ljubav, pozitivnost i nadu.

*2. Pitanje: Imate li prijedlog za tretiranje ginekomastije (uvećanih grudnih žlijezda kod muškaraca) osim **CC14.3**?*

Odgovor: Ako imate 108CC kutiju i nemate pristupa iskusnijem praktičaru, tada je **CC14.3** najbolji lijek. Međutim, praktičari koji imaju mašinu mogu dati **SR262 Nat Phos 6X...OD** uporedo s **SR381 Conium 1M...OW**. Treba reći da se ovaj problem često javlja kod muškaraca s viškom kila, te bi u tom slučaju dijeta mogla biti od koristi.

3. Pitanje: Da li se kartice za čakre trebaju koristiti pojedinačno ili ih sve možemo iskombinovati u jedan lijek?


Odgovor: Kartice za čakre se ne trebaju kombinovati. Najbolje je tretirati svaku čakru zasebno. Potencija je **CM**, a doziranje **OD** (prije spavanja) i obično je potrebno dva dana kako bi se čakra dovela u ravnotežu. Za vrijeme tretiranja čakre ne bi trebalo davati druge vibro lijekove. Ako osoba već uzima drugi lijek, treba prestati tri dana prije nego što počne sa lijekom za čakru, ali može početi uzimati ponovo jednom kad se čakra povratu u ravnotežu.

*4. Pitanje: Koliko maksimalno puta možemo dati lijek u jednom danu? Nekim pacijentima je teško uzimati globule **TDS**, dok drugi vjeruju da će im uzimanje više od **6TD** ubrzati izlječenje. Neki ne uzimaju vibrice redovno, pa se ipak žale kako vibrionika ne djeluje. Kako da se odnosimo prema takvim pacijentima?*

Odgovor: Većina ljudi želi brzo rješenje za probleme od kojih pate godinama, ali proces iscjeljenja može potrajati. Vibracije moraju postati jake u energetskom polju oko tijela prije nego što se manifestiraju u fizičkom tijelu. Iako je važno brinuti o očekivanjima pacijenata, također ih trebate privoljeti da budu strpljivi i da slijede instrukcije kao dio vaše posvećenosti da radite s njima. Redovno uzimanje preporučene doze dovodi do bržih rezultata. Međutim, kada lijek uzimate rjeđe je i dalje bolje nego da ga ne uzimate uopšte. U jednom danu lijek možemo uzeti maksimalno **6TD** osim kada se u vrlo akutnim slučajevima jedna doza uzima svakih 10 minuta. Nemamo grupu objavljenih slučajeva koji bi pokazali da je korisnije uzimati lijek više od **6TD**.

5. *Pitanje: Imam tri pacijenta s vaškama. Koji je najbolji način za aplikaciju lijeka?*

Odgovor: Dajte im **CC11.2 Hair problems...TDS** ili **SR315 Staphysagria...OD** oralnim putem mjesec dana. Ne preporučujemo šampon za vaške s hemikalijama. Najbolje je napraviti lijek u vodi i njome masirati vlasište **BD**, a zatim oprati kosu normalnim putem.



☞Božanske riječi Vrhunskog Iscjelitelja☞

“Danas ljudi konzumiraju hranu svo vrijeme, a da ne govorimo o pićima i grickalicama između obroka. Kako mogu umaći problemima s probavom i drugm oboljenjima? Čovjeku je potrebna ona količina hrane koja će ga opskrbiti s otprilike jednom kalorijom po minuti. Mladi ljudi bi trebali biti zadovoljni s 2000 kalorija dnevno. Za zdrav život čovjek treba samo 1500 kalorija devno. Ali danas se unos hrane povećao na 5000 kalorija. Zbog toga ljudi pate od problema s probavom i nesanicе. Gubitak sna dovodi do brojnih oboljenja. Nemojte brinuti o snu. Ako odete na spavanje bez ijedne brige, prirodno ćete zaspati.”

... Sathya Sai Baba, “Hodajući hram” Ljetni pljuskovi 1990, III poglavlje
<http://www.sssbpt.info/summershowers/ss1990/ss1990.pdf>

+++++

“Oni među vama koji su imali privilegiju da služe svoju manje blagoslovljenu braću i sestre posvjedočice o onom o čemu govorim; ne postoji disciplina ravna služenju kad je u pitanju u brušenje ega a koja može srce više ispuniti istinskom radošću. Okvalificirati služenje kao ponižavajuće i manje vrijedno znači odreći se ovih blagodeti. Ako talas služenja zahvati zemlju te na svom putu sve ljude zarazi poletom, biće u stanju zbrisati nakupine mržnje, zlobe i pohlepe koje danas pustoše svijet.”

... Sathya Sai Baba, “Slonovi i lav”, Božanski govor, 10. septembar 1969.
<http://www.sssbpt.ifo/ssspeaks/volume09/sss09-18.pdf>

☞Obavještenja☞

Predstojeće radionice

- ❖ **Indija Delhi-NCR:** Seminar obnavljanja znanja: AVP/VP – 22. septembar, SVP – 23. septembar 2018, kontaktirati dr Sangeetu Srivastava na dr.srivastava.sangeeta@gmail.com ili telefonom na 9811-298-552
- ❖ **Indija Puttparthi:** AVP radionica, 18-22. novembar 2018, kontaktirati Lalithu na elay54@yahoo.com ili telefonom 8500-676-092
- ❖ **Indija Puttparthi:** SVP radionica, 24-28. novembar 2018, kontaktirati Hem na 99sairam@vibrionics.org
- ❖ **Indija Puttparthi:** VP radionica za AVP iz Kerale, 30. novembar i 1. decembar 2018, kontaktirati Padmu na trainer-cc@in.vibrionics.org
- ❖ **Indija Rajasthan:** AVP seminar obnavljanja znanja, februar 2019, kontaktirati Hem na 99sairam@vibrionics.org
- ❖ **Indija Puttparthi:** AVP radionica 6-10. mart 2019, kontaktirati Lalithu na elay54@yahoo.com ili telefonom na 8500-676 092

- ❖ **Indija Puttparthi:** SVP seminar obnavljanja znanja, 11-12. mart 2019, kontaktirati Hem na 99sairam@vibrionics.org
- ❖ **Indija Puttparthi:** AVP radionica, 17-21. juli 2019, kontaktirati Lalithu na elay54@yahoo.com ili telefonom na 8500-676 092
- ❖ **Indija Puttparthi:** AVP radionica 18-22. novembar 2019, kontaktirati Lalithu na elay54@yahoo.com ili telefonom na 8500-676-092
- ❖ **Indija Puttparthi:** SVP radionica 24-28. novembar 2019, kontaktirati Hem na 99sairam@vibrionics.org

❧Dodatak❧

1. Prilog o zdravlju

Klijanje za dobro zdravlje

“Kada sjeme posijemo, iz njega nastaje život, a kada ga skuhamo, život zatiremo u korijenu. Konzumiranje hrane u njenom izvornom obliku potiče dugovječnost. Hrana koja nije termički obrađena sadrži najviši udio proteina. Naprimjer, mung grah i soja sadrže visok udio proteina... Grašak, grah ili leću treba potopiti u vodu i pustiti ih da prokljaju. Na taj način ih konzumirate u svom njihovom bogatstvu... ” Sathya Sai Baba¹

1. Sjeme je izvor!

Svaki biljni život oko nas ponikao je iz sjemena blagoslovljenog neophodnom inteligencijom i podrškom planeta. Naučnici i dalje nastoje shvatiti šta se tačno dešava unutar sjemenke kada počinje da živi i postaje fascinacijom posmatrača. Kada sjemenka počne da klija, u njoj se aktiviraju specifični biološki mehanizmi koji pohranjenu energiju pretvaraju u hranjive tvari potrebne za izrastanje biljke u zdravu i vibrantnu jedinicu. Ista hranjiva energija sadržana u sjemenu može se jednostavnim putem aktivirati za ljudsku konzumaciju.^{1,2}

2. Šta su klice?

Klice, kao gotova hrana, su vrlo sitni izdanci koji niču nakon što se sjemenke potope u vodi nekoliko sati a zatim ih se pusti da prokljaju.²

3. Šta sve klija?

Svo jestivo sjemenje u koje spadaju cjelovite žitarice, mahunarke, grahorice, leće i grašak može klijeti. Među popularne klice u različitim zemljama spadaju klice mung daļa, slanutka, pšenice, alfalfe, sjemenki suncokreta, piskavice, kikirikija, rotkvice i brokolija. Sjemenke trebaju biti organske, zdrave, svježe i netretirane hemijskim supstancama, kao ni mljevene, pržene ili kuhane.^{1,3,4}

4. Kako uzgajati klice?

Uzgajanje klica kod kuće je brz, lagan i jeftin proces. Počnite s manjim količinama. Sjemenke i klice trebamo održavati u higijenskim uvjetima.^{1,3,4}

- Najprije temeljito operite sjemenke i stavite ih u čistu posudu ili teglu.
- Dodajte tri do četiri dijela vode na jedan dio sjemenki i pokrijte poklopcem.
- Ostavite na sobnoj temperaturi kako bi došlo do adekvatnog namakanja. Vrijeme namakanja ovisi o vrsti sjemenke. Nekim sjemenkama treba samo pola sata, ali većina se treba namakati preko noći – 6 do 8 sati ili više. Ispravno namakanje je ono što doista oživljava sjemenku. Pretjerano namakanje će dovesti do truljenja sjemenke ili fermentacije. Nakon 6-8 sati vodu treba izliti i promijeniti.
- Nakon ispravnog namakanja, važno je vodu prosuti jer se klijanje ne dešava u vodi. Nju možete iskoristiti za zalijevanje cvijeća.
- Nakon toga sjemenke properite. Potom ih stavite u čistu posudu koja nije u potpunosti pokrivena ili ima mrežasti poklopac kako biste omogućili dotok zraka.
- Posudu ostavite postrani na sobnoj temperaturi, gdje nema direktnog sunčevog svjetla. Najbolja je mračna ili slabo osvijetljena okolina. Kad sjemenke prispiju, možete ih izložiti sunčevoj svjetlosti kako bi se aktivirali mehanizmi koji proizvode hlorofil i druge sastojke.
- Properite klice 2-3 puta dnevno kako biste ih održavali čistim i vlažnim u isto vrijeme.

- Kad su klice gotove, dobro ih properite i osušite.
- Kako bi zadržale svoju hranjivu vrijednost, treba ih staviti u frižider ukoliko se odmah ne konzumiraju. U frižideru mogu ostati svježe nekoliko dana.^{1,3,4}

Vrijeme klijanja ovisi o vrsti sjemenke, učestalosti ispiranja, temperaturi vode kojom ih ispiramo te temperaturi okoline. Manjim sjemenkama treba 10 do 12 sati (naprimjer, mung grah). Većim sjemenkama treba oko tri do četiri dana.^{1,3,4}

5. Zašto uzgajati klice?

Sve sirove sjemenke u sebi sadrže antinutrijente ili inhibitore enzima koji smanjuju sposobnost tijela da apsorbuje i asimilira esencijalne hranjive tvari. Istraživanja su pokazala da proces klijanja deaktivira inhibitore i smanjuje prisutnost alergena. Ovaj proces značajno poboljšava sadržaj hranjivih tvari, naročito minerala, vitamina, esencijalnih masnih kiselina, vlakana, antioksidanata i enzima. Također eliminira većinu škrobova koji proizvode gasove.^{3,4,6,9}

Jedno istraživanje⁵ pokazuje značajno povećanje sadržaja vitamina C i kalcijuma nakon klijanja. Došlo je do značajnog opadanja antinutrijenata, a probavljivost proteina se značajno povećala. Prema drugom istraživanju⁷, klijanje je u ograničenom razdoblju dovelo do pojačane aktivnosti hidrolitičkih enzima, porasta količine određenih esencijalnih aminokiselina, svih šećera i vitamina grupe B, te smanjenja suhe tvari, škroba i antinutrijenata. Probavljivost pohranjenih proteina i škroba se povećala zahvaljujući njihovoj djelomičnoj hidrolizi za vrijeme klijanja. Pokazalo se da povećanje hranjivosti, pak, ovisi o vrsti žitarice, kvaliteti sjemenke i uvjetima klijanja. Udio vitamina koji je bio jedva uočljiv u suhom zrnevlju značajno je porastao i dosegao vrhunac nakon sedam dana klijanja.⁸

6. Blagodeti klica

Klice važe za najsvježije i najhranjivije povrće dostupno ljudima koje mogu koristiti na brojne nezamislive načine^{1,3,4,6,9-11}. Klice mogu:

- pružiti trenutačnu energiju, kako su životne i lako probavljive, te održavati nivo energije
- izbaciti nečistoće i detoksificirati krv
- osnažiti imuni sistem i zaštititi ćelije od štetnih slobodnih radikala
- održavati pH ravnotežu krvi i ojačati probavni sistem
- pomoći kod mršanja, kako su niskokalorične, te graditi i jačati mišiće i tkiva
- regulirati krvni pritisak i pomagati kod kardiovaskularnih problema
- pomoći balansiranje šećera u krvi i ublažiti reumatoidne bolove
- djelovati odbrambeno protiv nekolicine hroničnih bolesti povezanih sa starenjem
- pomoći kod ublažavanja predmensturalnih i menopauzalnih simptoma
- popraviti tonus kože, jetre i svih tjelesnih sistema
- djelovati kao panacea za brojne bolesti, uključujući rak, zahvaljujući antioksidantima.

Sve u svemu, sirove klice sadrže hranjive tvari izvrsne kvalitete i trebaju biti važna komponenta naše ishrane. Možete im dodati limunov sok i ostale začine. Možete ih jesti sa salatama. Također se mogu uzimati prije ili za vrijeme jela ili između obroka kao zdrave grickalice.

Ako osobni izbori, pogodnosti ili zdravstveno stanje ne dopuštaju klijanje, samo namakanje može biti beskrajno korisno. Cjelovite žitarice, leća, grah i mahunarke su hranjivije kada se kuhaju nakon što su namočene preko noći. Od orašastih plodova ne treba praviti klice, njih treba samo namakati.⁴ Bademi su najzdraviji kada se namoče preko noći i sljedećeg dana operu i ogule.¹²

7. Upozorenja

- Ljudi sa oslabljenim imunim sistemom, djeca, stariji i trudnice trebaju izbjegavati sirove klice. Oni ih mogu konzumirati pripremljene na pari.¹³⁻¹⁴
- Neke klice kao što su klice graha mogu biti vrlo toksične te ih najprije treba skuhati.¹³
- Topli i vlažni uvjeti potrebni za rast klica su također idealni za razvoj bakterija. Prema jednom nutricionisti⁶, rizik unakrsne kontaminacije u klicama je vrlo visok zbog toga što sadrže enzime koji su

pododni za razvoj opasnih bakterija kao što su salmonela i Escherichia coli. Osim poduzimanja osnovnih higijenskih mjera, uvijek je dobro klice staviti u frižider i pojesti ih unutar tri do četiri dana.¹³⁻¹⁴

Reference i linkovi:

1. <https://www.slideshare.net/jannap/teachings-ofsathyaaisababa> Učenja Sathya Sai Babe o zdravlju, dr. med. Srikanth Sola, str. 10. Također Appendix B.
2. <https://wonderpolis.org/wonder/how-do-seeds-sprout>
3. <https://articles.mercola.com/sites/articles/archive/2015/02/09/sprouts-nutrition.aspx>
4. <https://draxe.com/sprout>
5. <https://www.ncbi.nlm.nih.gov/pmc/articles/PMC4573095>
6. <https://food.ndtv.com/food-drinks/6-benefits-of-sprouting-and-the-right-way-to-do-it-1691887>
7. <https://www.ncbi.nlm.nih.gov/pubmed/2692609>
8. <https://www.ncbi.nlm.nih.gov/pubmed/23088738>
9. <https://foodfacts.mercola.com/sprouts.html>
10. www.thefitindian.com/benefits-of-eating-sprouts-in-our-daily-diet
11. <http://www.sproutnet.com/Resources-Research-on-the-Role-of-Sprouts-in-Wellness-and-Disease-Prevention>
12. <http://www.saibaba.ws/articles/medicaladvices.htm>
13. <https://www.precisionnutrition.com/all-about-sprouting>
14. <http://www.foodsafety.gov/keep/types/fruits/sprouts.html>

2. Dodatak indeksu knjige 100CC

Od posljednjeg izdanja knjige (2011), u zadnjih sedam godina napravljeno je nekoliko izmjena/dodataka u tretiranju bolesti i korištenju lijekova koje dajemo ispod. *Izvinjavamo se zbog toga što smo propustili tabelu priložiti u prethodnom broju.*

Edisonova bolest	6.1	Adhezije	21.1
Deficijencija nadbubrežne žlijezde	6.1	Alopecija	11.2+12.4
		Aspergerov sindrom	15.5
Poremećaj autističnog spektra	3.6+15.5+18.1	Ćelavost	11.2+12.4
Blefaritis	7.3	Kolera	4.6+4.10+9.3
Slaba koncentracija	17.3+18.1	Kondilom	8.5/14.2+21.1
Približavanje smrti	15.1	Denga	9.3+3.1
Downov sindrom	3.6+18.2	Epiteliom	2.1+2.3+21.1
Bolni udovi, cirkulacija	3.7	Uvrtanje trepavica ka unutra	7.1
Ječmir	7.3	Genitalna cista/bradavica, ž	8.5+21.1
Genitalna cista/bradavica, m	14.2+21.1	Genitalni herpes, ž	8.5+21.8
Genitalni herpes muški	14.2+21.8	Ozljeda glave	10.1+18.1+20.7
Histerija	15.1	Emisija	14.3
Iritabilan mjehur	13.3	Leukoderm	21.2+21.3+12.4
Rak pluća	2.1+2.3+19.3+19.6	Mikoplazmična pneumonija	19.6+19.7
Multipla skleroza (MS)	18.4 + 12.4	Krvarenje iz nosa	10.1
Usna kandida	11.5	Plantarni fasciitis	20.1+20.4
Polimijalgija reum. (PMR)	20.2+20.4+20.5	Prog. sist. skleroza	12.4+15.1+21.2+21.3
Prostata – uvećana	13.1+14.2	Prostatitis	14.2+13.1
PSP sindrom	7.1+15.1+18.4+18.6	Plućna hipertenzija	3.1+3.6+19.3
Retinitis pigmentosa	7.1+7.2	Salmonela	4.6+4.8
Ožiljci unutarnji	21.1	Sinusitis usljed alergije	19.2+4.10
Koža suha	21.1	Ozljeda kičme	10.1+20.5
Kičma – degeneracija	20.5	Rast zuba	11.5
Tifus – faza oporavka	9.1+4.11	Vitiligo	12.4+21.2+21.3
Hodajuća pneumonija	19.6+19.7	Zika virus	3.1+9.3

3. AVP radionica u Puttaparthiju, Indija, 22-26. juli 2018.

U intenzivnoj petodnevnoj radionici devet kandidata (7 iz Indije uključujući 2 kandidatkinje iz Puttaparthija*, 1 iz Tajlanda i 1 iz Gabona) stekli su zvanje AVP. Dva praktičara iz Indije koji su se ranije kvalificirali također su prisustvovali kako bi obnovili i unaprijedili znanje. Radionica koju su vodila dva iskusna **voditelja** ^{10375 & 11422} imala je inspirativne i interaktivne svakodnevne sesije s



uvažanim dr Jit Aggaralom, putem Skype-a iz VB. Drugi važan trenutak bila je zanimljiva sesija o učinkovitom pisanju slučajeva sa Hem Aggarwal koja je vodila učesnike i pri davanju zakletve Swamiju uoči Guru Purnime.

* Jedna je alopatska liječnica, a druga ima višegodišnje iskustvo pomaganja ocu, dugogodišnjem vibropraktičaru. Odmah po završetku obuke obje su počele služiti u zgradi u kojoj borave *seva dal* žene.

4. AVP radionica i seminar obnavljanja znanja u Francuskoj, 8-10. septembar 2018.

Trodnevnu radionicu održala je francuska koordinatorica i **obučavateljica** ⁰¹⁶²⁰ u kući jedne od budućih praktičarki. Bilo je 8 učesnika – 2 nova, 5 postojećih i novoobučena **praktičarka** ⁰³⁵⁷² preko Skype-a, iz Gabona (Zapadna Afrika). Rad je bio intenzivan, ali je atmosfera bila topla i prijateljska. Oba nova učenika bila su pozorna i kooperativna. Na kraju radionice oboje su bili dirnuti kada su primili svoje 108CC kutije. Toliko je bilo veliki njihov entuzijazam da su u vrijeme završnog govora dr. Aggarwala preko Skype-a njihova prva dva pacijenta iz susjedstva pokucala na vrata i novi praktičari su im pružili prvu konsultaciju. Postojeći praktičari nalaze da su ovo iskustvo i razmjena bili vrlo informativni i nadahnjujući.



5. Vibrionika u Telengani, Indija, 9. septembar 2018.



Na zajedničkom sastanku dva distrikta, **praktičar** ¹¹⁵⁸⁵ je dobio priliku da govori u prisutnosti državnog koordinатора i gotovo svih dužnosnika Sri Sathya Sai Seva organizacije Telengane, predsjednicima oba distrikta uporedo sa svim dužnosnicima i predsjednicima centara. Samo je Swamijevom milošću bio u stanju da se obrati ovom skupu dužnosnika na visokom nivou na temu vibrionike u trajanju od 25 minuta. Objasnio je kako sistem radi na fizičkom, mentalno-emotivnom i duhovnom nivou, da ne dovodi do nuspojava i daje

nevjerovatne rezultate. Također ih je obavijestio o redovnim medicinskim kampovima koji se organiziraju u

distriktu. Naglasio je kako je lako organizirati vibro medicinske kampove na bilo kojem mjestu. Ispričao je kako on i **praktičar** ¹¹⁵⁹² postižu vrlo dobre rezultate na sedmičnim vibro kampovima u Sathya Sai Mandiru Palvoncha. To je pobudilo veliki interes među dužnosnicima. Nakon sastanka dva su praktičara tretirala 27 pacijenata uključujući nekoliko dužnosnika. Takvo zanimanje je podsticaj praksi vibrionike u državi.

Om Sai Ram

Sai Vibrionika. . . na putu ka usavršavanju u *medicare* – zdravstvenoj brizi dostupnoj svima